

一初熱聲遂變者。重宜清肺飲。**顓**耳桔湯。**顓**加鼠粘子。荆芥玄參。

一初熱眼紅發狂。可用冷水溫包頭。以透四心。

一初熱一切失血之証。急服犀角地黃湯。

一初熱或見點紫色。小便如血者。二寶散。

一初熱四肢僵直。不能卒動者。以四君子湯。**五**加川芎當

歸。羌活獨活。天麻。蟬退。全蝎。炒姜。蚕。炒木香。

一初熱肚脹眼合。狂燥大渴。身體不大熱。或舌乾燥。或舌

尖熱。此毒根于裡也。將變失血之証。宜大解散。發之。如

遲一日。則難療矣。主口上痘出稠密成疔。或痘鬱滯。斑

點隱于肌膚之間。欲出不出。以紫草透肌湯逐之。

卅

逆症不治

一發熱。頭面一片紅如胭脂者。六日後決死。

一初熱時。用灯熨心窩。或遍身皮內有成塊紅者。不治。此乃毒氣壅於肌肉。未能發散故也。急與解毒散。血猶或可生。

一熱如熨。手眼紅。口唇紫黑。破裂者。不治。

一初熱腹中大痛。或腰痛如被杖者。不治。

一初熱七嘔。二便出鮮血不止者。死。

一發熱時。遂見紫黑斑者。不治。

一初熱胸高而突者不治。

一初熱目閉無魂者不治。

一初熱先腰痛甚而後見點者不治。

一初熱舌頭紫黑或聲啞噎神昏者不治。

一初熱吐瀉有蛔虫者不治。

●報痘三日症治

順達陰第
三十六

形色一見吉凶攸分。因循失治。或辨症不明。至後必難起。脹必難貫膿。痒塌倒陷之禍隨至矣。此時必辨虛實寒熱。

急為之調攝。斯有起死回生之妙也。

痘有連熱三五日而後出者。由血氣充足。毒少難于感動。

如灼火難療。杯水難流也。其痘必稀疎而易愈。有緣熱一日。或半日而即出者。由血氣怯弱。毒多易於感動。如烈火易焚。長河易決也。其痘必稠密而難愈。又初出三五相連者。必密。單見形者必稀。

順証不須治

一發熱三日。或四五日。熱退乃於頸上。口鼻腮耳。年壽之間。或四肢先放數點。大小不一。淡紅潤色者佳。

一放標稀疎。起頂。摸之堅硬碍手。根窠紅暈。痘典肉色。紅白分明者佳。

一痘作二三次出。三日後手足心方總出齊。頭面胸背稀。

少飲食二便如常者吉

一初出如蚤斑紅現二日大如粟米稀而紅活三日尖消員如珠者佳

險証當治

一痘初出色貴明潤而鮮也若頭焦帶黑此毒在血分當涼血解毒為主不急治則黑陷不救矣
之
聖
涼血化毒欣主

一痘初出形貴兼實而厚也若色白皮薄此專在氣分當補氣散火為主不急治則痒塌而死矣
聖
國陽散火湯加白朮茯苓去生地主之

大抵初出痘瘡。惟此二証而已。此時急宜治之。必待白轉紅活。黑轉淡紅。根窠明潤。瘡皮堅實。能食二便如常。則起脹貫膿。收靨。一路無餘。是矣。

一初出。痘色慘黯不明者。升麻湯。加酒炒芩連。芎歸紅花紫草。

一初出二三日。身熱不退。無根窠紅暈者。用當歸活血散。加酒炒芩連。

一痘出而熱不退。而痘充滿紅活。此因外感寒邪而熱也。宜和解湯。若痘勢不起。根窠欠紅。或隱或現。或出而復沒者。乃氣血與虛。不能盡發其毒而熱也。可與內托。

散三四服之。

一熱未退而見標者。名曰火裡苗。痘必紅紫而不分地。若不急退其熱。則苗必稿矣。宜清地退火湯。三秦芫湯。四一痘見標而表甚熱者。急與人參羌活散。五若兼紅紫色者。化毒湯。六加酒炒芩連紅花。

一標既見。未嘗服藥退熱。其痘紅紫焦乾。根窠成片。或有黑陷。急與涼血解毒湯。七若兼氣粗。口渴引飲。宜紫草灯心煎湯調下。大成散。八後緣起脹。貫漿。否則八九日必致痒塌而死。

一初出稠密如蚕種。形勢重者。合輕其表。而涼其內。用連

翹升麻湯_四或化毒湯_三加紅花酒炒黃芩或解毒托

裏散_四

一初出胸前稠密者急與消毒散_五加山查紫草酒芩

一痘出稠密成片或毒鬱未泄斑點隱在肌膚之中似出不出者用紫草透肌湯_三逐之如不急治定變黑枯焦而死

一痘出雖稀其色與肉色一般無紅暈者用保元湯_四加
芎歸紫草紅花

一初出標漸多隨見紅斑痘乾紫不起頂摸過不碍手
者此熱毒流於胃經故紅斑見於肌肉也宜

身熱

紅花紫草木通石膏桔梗柴胡白芍小甘草灯心為使

煎磨犀角化為金丸四喉痛加玄參痘轉紅活不宜膠

一初出熱盛色紫不分地者涼血解毒湯四加酒炒黃芩

兼有黑點或紅班如錦紋在皮內者化毒湯一加酒炒

黃連喉痛加牛子玄參磨犀角汁服

一痘既見點面頰口唇帶紅紫色不潤澤身不退熱此由

火毒鬱結於臟腑故也宜用防風白芷紫草紅花蟬退

木通小川芎歸尾灯心為使水煎調下小無比散三若

有紅紫斑者加紫草膏六熱不退者多磨犀角汁和之

一初出有紅丹如雲頭突起者用玄參升麻湯五加紫草

紅花黃芩

一初出灰白。頂陷不起。或起亦軟。不碍手。根窠不紅活。身涼而靜。此虛寒証也。用人參歸耆湯。**五**氣滯者。少加木香。兼泄瀉者。理中湯。**五六**

一身涼灰白色。不進飲食。寒氣逆上。或嘔吐。或腹脹痛。或泄清水。手足厥冷。此純陰之証也。宜起死回生丹。**四六**或保元。加芎桂姜附危。急則異攻散。**六**

一大熱不退。煩渴飲水。譫語狂亂。其色紅紫者。由火毒煉於內。以致神不守舍。將成黑陷焦枯。此純陽之証也。可與退火回生散。**五**或辰砂益元散。**四**

此二條前侵通用

一痘內黑外白者。解毒湯。主之內白外黑者。升麻湯。

主之。大抵色紫黑者。皆加紫草紅花。

一初出自汗。丹溪曰。初出自汗不妨。蓋熱氣薰蒸而然也。但汗出表虛。恐難收靨。可與保元湯。倍加黃耆以實其表。有熱者加炒芩連。

一痘出完。熱甚氣滯。皮肉腫亮者。乃毒氣在內故也。用內托千金散。治之。失治則內攻而死。

一初出因夏月炎天。暑氣薰炙。以致煩燥發渴。而出不快者。人參白虎湯。或五苓散。加水通乾葛主之。

一初出因冬月天寒。為冷氣所侵。以致肌膚粟起。而出不

條 與 後 起 服 陰 証 條 內 他

快者陳氏木香散

三

加紫蘇梗主之或五積散

四

一初出為風寒所侵鼻塞声重咳嗽而出不快者參蘇飲

三人參敗毒散主之

四

一初出或因邪穢所觸伏陷而出不快者十宣散

五

或平

和湯加外以乳香羌萎燒之以辟其氣

一初出大便秘結內有實熱而出不快者加味四聖散

六

加枳壳黃芩及快斑散

七

去人參合四順飲

八

一初出大便利口渴而出不快者內虛熱也四君子湯

九

加肉苳菴黃芩紫草若不渴而大便利者此內虛寒也

理中湯

十

陳氏木香散若氣實為痰所鬱而不發者

用通者

防風升麻湯類及抱龍丸類

一初出因勞力在前元氣虛弱。而出不快者。補中益氣湯

主之。九四

一初出因吐瀉以致胃虛不食。而出不快者。宜理中湯主之。五六

逆証不治

一發熱一日而出者凶。二日而出者次之。一齊並出者不

治。急服紫草飲。七解之。若色紫黑死無疑矣。

熱未退。而見點於太陽太陰額角髮際及天庭方廣之處。再加日紅唇裂痰鳴色白者不治。毒叅陽位故也。

一痘已出。熱一遍。又出一遍者。不治。

一初出密如蚕種。或如沸子。無縫者。不治。

一初出全不起頂。如灯燒湯泡之狀者。由氣血不和。毒無由而出也。九日後決主痒而死。

一初出遍身如蚊蚋咬者。不治。此乃斑毒壅于肌膚。不得透出故也。急宜清熱散血。快班猶或可生。

一初出慢頂連肉紅者。八九日決主痒塌而死。或以化毒湯卅加紅花蘇木。芩連蟬退調下。紫草辰砂二餅。

一初出色白。與肉一般。久不轉者。不治。

一痘初出。而色紫黑乾枯者。不治。

一痘舌捲囊縮者死。

一初出有赤點如菉豆大見於兩腋小腹數點者不治。

一先發無名腫毒而後出痘者十有九死預散其毒可也。

一初出吐瀉不止蛔虫從口鼻大便中出不進飲食者死。

此証大宜扶胃參苓白朮散主之。

一初出渾身發作紫泡刺破出黑血者死。

一初出斜視之面如橘皮不分肉地者死。

一初出如蚕壳蛇皮者此氣至而血不隨也以芎歸均氣

飲治之。若治之氣血不相隨而痘如舊者死。

一初出數粒發于山根之上此毒盛氣虛乘虛犯上也其

証多凶。宜涼血化毒飲。主之。

一初出。口中氣醒臭。勅、出衝人者。此肺中邪火煎熬潰爛故也。急與清金湯治之。如遲至七日而死矣。經曰肺絕者七日死。此証之變。或失聲。或喘。或乾嘔。皆其候也。

起脹三日証治。順逆險第三十八

放標之後。漸漸起脹。瘡瘡肥胖。一分是胎毒發出。一分胖盡。則毒出尽也。有不起者。或因元氣本弱。不能送毒。或有雜証阻滯。不得升發。皆發熱放標之時。失于調攝故也。于此不急畱之。後難為矣。

順証不須治

一報痘三日之後先出者先起後出者後起根窠紅綻肥滿光澤面目漸腫依期灌漿飲食二便如常而無他証者不必加治

險証當治

一瘡頂肥滿而根盤不聚色不紅活者氣有餘而血不足也。用補元湯。或當歸活血湯。

一頂不員滿而上有紋路猶未出部根窠雖紅而皮軟且薄者血有餘而氣不足也。用大保元湯。以扶陽抑陰。一灰白頂陷下有紋路出部根盤血散不聚者氣血俱不